



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Bona Volvntas Optimæ Consentiens. Seu De Sequendo In
Omnibus Ductu Providentiæ Diviniæ**

Fouillon, Jean E.

Leodii, 1657

XIII. Summaria bonæ voluntatis descriptio.

[urn:nbn:de:hbz:466:1-54992](#)

Beati; quid isti in terris? Et hi laudant Deum, & illi. Et hi Deo placent, & illi: quodque illi amplius non possunt, hi, quia Deo placent, incrementum gratiae promerentur. Illi in loco pacis securi sunt, hi etiam in bellorum sede tranquilli. Itaque, o homo, si & hic pariter & æternum beatus esse vis, *Vide directionem, quâ dirigit te Deus*, verbis Augustini te alloquor, in fine concionis primæ in Psalmum 36.

ut omnia, quæ vult, velis & ipse: ipse enim est directio. Tunc demum alternis vocibus concines lucidissimæ noctis, Sole animarum nostrarum exorto, in diem cōversæ, suavissimum Canticum, cum multitudine militiae cœlestis, laudantium Deum, ac dicentium: *Gloria in excelsis Deo,* & *in terra pax hominibus bonæ voluntatis.*

XIII. *Summa-
ria bona
voluntatis
descriptio.* Epilogum ipsum claudamus brevi epilogo, ex dimetrorum pedestrium ternariis aliquot, quibus dictorum præcipua recentantur. Avaris opes suas sæpe ad calculos revocare jucundum est: nec nobis grave fuerit, divitarum nostrarum cœlestium numeros frequenter meminisse.

280 BONA VOLUNTAS.

Quæris, bona voluntas quid est?
Beatitudo ipsissima est,
Quanta esse sub cælo potest.

In ipso enim sinu Dei est,
Quia semper illi subdita est,
Et sponte, non gemens, subest.

Nihil ejus ubi sit interest,
Nec temporum metu anxia est;
Quia nūspiam & nūnquam sua est.

Quodcumque non vult, non adest;
Pariterque quod vult, non abest;
Quia illud unum vult, quod est.

Sic constitutæ nūl obest,
Nihil dēest, imò superest,
Regente qui cunctis præst.

Tota ex Deo, tota ad Deum est,
Tota in Deo, quia sub eo est,
Principium ei idem & finis est.

Per illam homo totus Dei est,
Et, pœnè dixero, Deus est,
Cujus voluntas optima est.

INDEX